


საბროკერო კომპანიები საქართველოში





საბროკერო კომპანიის საქმიანობა

შეზღუდული ლიცენზია

სრული ლიცენზია

პირდაპირი კონსულტაციები გაუწიოს ინვესტორებს ინვესტიციებთან დაკავშირებით, მათ შორის, ფასიანი ქაღალდების ფასის, ფასიან ქაღალდებში ინვესტიციების განხორციელების, ფასიანი ქაღალდების ყიდვა - გაყიდვისა და მათთან დაკავშირებულ უცხოური ვალუტით გარიგებებში



განახორციელოს ფინანსურ ინსტრუმენტებთან და მათ ემიტენტებთან დაკავშირებული კვლევა და უზრუნველყოს ამ კვლევის შედეგების ან/და საინვესტიციო სტრატეგიასთან დაკავშირებული რეკომენდაციების გავრცელება



კონსულტაცია გაუწიოს ემიტენტებს ფასიანი ქაღალდების გამოშვებისა და ინვესტიციების მოზიდვის თაობაზე



მომზადოს და განახორციელოს ემიტენტის ფასიანი ქაღალდების განთავსება არაგარანტირებულ საფუძველზე



მიიღოს და გადასცეს კლიენტების დავალებები ფასიან ქაღალდებთან დაკავშირებით, კლიენტების სახსრებით განახორციელოს ფასიანი ქაღალდებით გარიგება მათივე ინტერესებისათვის



მართოს კლიენტების, მათ შორის, საპენსიო სქემების, საინვესტიციო პორტფელები და ფასიანი ქაღალდებით ოპერაციებისთვის გამოყოფილი სახსრები, გარდა კოლექტიური პორტფელის მართვისა



განახორციელოს კლიენტების საინვესტიციო სახსრების ან/და ფასიანი ქაღალდების შენახვა და აღრიცხვა, აგრეთვე ფასიანი ქაღალდების ნომინალური მფლობელის მომსახურება; ამ მიზნით გაუხსნას კლიენტებს ფულადი და ფასიანი ქაღალდების ანგარიშები და აწარმოოს მათზე ოპერაციები



საკუთარი სახსრებით განახორციელოს ფასიანი ქაღალდებით გარიგება თავისივე ინტერესებისათვის



მომზადოს და განახორციელოს ემიტენტის ფასიანი ქაღალდების განთავსება გარანტირებულ საფუძველზე



ასესხოს კლიენტებს და ისესხოს მათგან ფასიანი ქაღალდები, აგრეთვე გამოიყენოს საკუთარი სახსრები კლიენტებისათვის ფასიანი ქაღალდების შესაძენად, მონაწილეობა მიიღოს საქართველოს ეროვნული ბანკის მიერ დადგენილი წესით განსაზღვრულ „მოკლე გაყიდვებში“



განახორციელოს ვალუტის ყიდვა-გაყიდვა



დადოს დერივატივი



განახორციელოს სხვა ოპერაციები ფინანსურ ინსტრუმენტებთან, სამეწარმეო საზოგადოების წილებთან ან ამ კანონით განსაზღვრული სხვა უფლებამოსილება



ორგანიზება გაუწიოს უცხოური ვალუტის სავაჭრო პლატფორმას



ძირითადი წარსადგენი დოკუმენტები



საბროკერო კომპანიის ლიცენზირებისთვის

ძირითადი წარსადგენი დოკუმენტებია:

- განაცხადი, ამონაწერი საჯარო რეესტიდან და სადამფუძნებლო დოკუმენტი;
- განსახორციელებელი საბროკერო საქმიანობების ჩამონათვალი;
- ინფორმაცია კომპანიის მფლობელობის სტრუქტურის შესახებ; თუ კომპანია ჯგუფის წევრია, ინფორმაცია ჯგუფის სტრუქტურის შესახებ;
- ინფორმაცია საკუთარი კაპიტალისა (შეზღუდული საბროკერო ლიცენზია - 150,000 ლარი, სრული - 500,000 ლარი) და მისი წარმოშობის წყაროს შესახებ ინფორმაცია;
- ინფორმაცია მმართველი ორგანოსა და მნიშვნელოვანი წილის მფლობელების შესახებ; მათ შორის ინფორმაცია მმართველი ორგანოს წევრების სამუშაო გამოცდილებასთან დაკავშირებით;
- კომპანიის მიმდინარე ბალანსი და ბოლო ფინანსური წლის აუდიტირებული ფინანსური ანგარიშგება;
- ინფორმაცია ლიცენზიის მაძიებლის ბიზნეს მოდელის შესახებ და მისი სტრატეგიული გეგმა;
- არსებობის შემთხვევაში, სავაჭრო პლატფორმის პროვაიდერის დასახელება და ტექნიკური მახასიათებლების აღწერა;
- მოსაკრებლის გადახდის დამადასტურებელი დოკუმენტი.

ძირითადი წარსადგენი დოკუმენტები

უცხოური საბროკერო კომპანიის ფილიალის შემთხვევაში

ძირითადი წარსადგენი დოკუმენტებია:

- საქართველოში რეგისტრაციის დამადასტურებელი დოკუმენტი;
- უცხოური საბროკერო კომპანიის ლიცენზირების დამადასტურებელი დოკუმენტი;
- განსახორციელებელი საბროკერო საქმიანობის სახეების ჩამონათვალი;
- უცხოური საბროკერო კომპანიის მმართველი ორგანოს გადაწყვეტილება ფილიალის მიერ საქართველოში საბროკერო საქმიანობის განხორციელებასთან დაკავშირებით ეროვნული ბანკისთვის მიმართვის შესახებ;
- უცხოური საბროკერო კომპანიის ზედამხედველობის განმხორციელებელი ორგანოს დასტური საქართველოში ფილიალის გახსნისა და საბროკერო საქმიანობის წარმართვის თობაზე;
- უცხოური საბროკერო კომპანიის მიერ მისთვის გამოყოფილი რესურსის ოდენობის დამადასტურებელი დოკუმენტაცია, რომელიც დააკმაყოფილებს კაპიტალის მინიმალურ ოდენობას.



მარეგულირებელი ჩარჩო

კანონი

საქართველოს კანონი „ფასიანი ქალაქდების ბაზრის შესახებ“

სამართლებრივი აქტები:

„საბროკერო კომპანიის ლიცენზირებისა და რეგულირების წესის დამტკიცების თაობაზე“ საქართველოს ეროვნული ბანკის პრეზიდენტის 2018 წლის 5 ივლისის N145/04 ბრძანება;

„მაღალი რისკების შემცველი ფინანსური ინსტრუმენტებით ვაჭრობაში ჩართული საბროკერო კომპანიების დამატებითი რეგულირების წესის დამტკიცების თაობაზე“ საქართველოს ეროვნული ბანკის პრეზიდენტის 2018 წლის 14 ივნისის N107/04 ბრძანება;